

Lès briqueteûs d' Salzène

d'après Charles Wérotte

Fé dès briques à Salzène, mès djins,
Asteûre volà qu'on nos l' disfind ;
One pognîye di nos brâves vwèsins
Ont faît siner one pèticion
Tot d'jant qu' ça l'zî faît do pwèson
En lès cûjant à l' boune saîson :
I lomenut ça dèl "polucion".
J'qu'à nos manecî d' fé dèl prîjon,
I nos sowaîtenut tos lès maus,
Qui nos-alanche à l'ospitau :
«Dès visadjes à fé awè peû,
Blancs come dès mwârts, vos, malèrèûs !»
Nos-atraprin.n' dès maladîyes,
Dès coliques èt dès dissenterîyes.
Dès malades, i-gn-a todi yeû
Èt nin qu'avou nos, lès briqueteûs ;
Do pwèson, gn-a pa t't-avau tot,
Dins lès djârdins, dins lès maujos.
Dji m' dimande bin ç' qu'i faurè fé
S' on 'nn' nos laît nin fé noste ovradge ?
Comint frans n' viker nosse mwin.nadje ?
Mi, djè l' sé d'dja bin, ç' qui dj' va fé :
Dimwin, dji m' va mète à chômer !

Georges Hussin (Namur)